

Huz Sunghyiz caeuq Gauh Sanhsanhsan dwg ranznden, song ranz cij gek faq ciengz ndeu, gyoengqde daj iq itheij guhcaemz itheij majhung. Daj doeg siujyoz hwnj, Huz Sunghyiz caeuq Gauh Sanhsanhsan couh youq aen hagdangz doegsaw, itcig daengz dayoz bizeez.

Songde cingzcik itcig gig ndei, youq ndaw ban baizmingz mbouj dwg daih' it couhdwg daihngaih, ndaej daengz lauxsae haenh, caemhcaiq gyoengq doengzhag hozhaenz raixcaix. Cuhcungh seiz gyoengqde caez youq aen ban ndeu, Huz Sunghyiz dang bancangj, Gauh Sanhsanhsan dwg yozsiz vejyenz, mizmbangj doengzhag couh loenghriu naeuz songde lumj doiq ndeu nei, Gauh Sanhsanhsan dingq le mbouj daiq angq, Huz Sunghyiz di he hix mbouj hozndat.

Caen hix mbouj dwg ganggyaj, Huz Sunghyiz daj iq couh doiq Gauh Sanhsanhsan gig ndei. Seizhaenz lajmbanj lij caengz miz geijlai aen ranzlaeuz, ca mbouj lai cungj dwg ranznamh gaeuq youh vaih. Seizhah ndatfwg vunz lajmbanj cei gyaenz gwn cukhaeuxyangz soengq lwgmanh. Moix ngoenz cuengqhag maranz le, Huz Sunghyiz ciengzciengz daj faq ciengz baihaenz heuh naeuz: "Sanhsanhsan, gwn lwgmanh lwi?" Danghnaeuz Gauh Sanhsanhsan yaek gwn, couh iet fwngz haeuq gehciengz dek haenz bae, Huz Sunghyiz gig vaiq couh ndenq gvaqdaeuq. Huz Sunghyiz miz maz doxgaiq ndeigwn, itdingh noix mbouj ndaej faenh hawj Gauh Sanhsanhsan. Mwhde youq ndaw mbanj doeg siujyoz seiz, lajbyonghngoenz baez cuengqhag

Cuengqfwngz



□ Danz Hijvah / 譚喜花

maranz rubrab gwn song vanj cukhaeuxyangz soengq lwgmanh roengz dungx le, Huz Sunghyiz caeuq Gauh Sanhsanhsan couh doxiu hwnj bya bae gvej nywj roxnaeuz raemj fwnz. Gauh Sanhsanhsan vunz iq ndang byom mbouj miz maz rengz, guh maz cungj beij mbouj hwnj Huz Sunghyiz baenzhaenz vaiq youh riengj, Huz Sunghyiz moix baez cungj yiedsim bang de.

Dauqdaej dwg lwgnyez, Huz Sunghyiz caeuq Gauh Sanhsanhsan hix mbouj laehvaih, gig gyaenz guhcaemz. Miz baez ndeu, Huz Sunghyiz caeuq Gauh Sanhsanhsan youh aemq loz hwnj bya bae gvej nywj lo. Mboengqhaenz cingq seizhah ndatfwgfwg, gyoengqde bin daengz gwnz bya seiz gaenq baegfofo hanh lae rim ndang lo. Naengh roengzdaeuq yietnaiq hanh suk le, yawjyawj seiqhenz gofaex mwncupcup heuswdswd, duzroeg youq gwnz nyefaex ciuz "cici caca", gak cungj va ndoi heuh mbouj ok mingzcoh hix hai ndaej hoenghfwgfwg. Gij gingjsaek geijlai maez vunz ha! Songde caiq hix goq mbouj ndaej baenzlai lo, Huz Sunghyiz youq ndaw ndoengfaex buet bae buet dauq dauqcauw gyaep roeg, roxnaeuz lumj duzlingz nei riengjret bin hwnj gwnz

faex bae mbon rongzroeg. Gauh Sanhsanhsan couh nyaengq dwk mbaet gak cungj va ndoi, yienzhaeuh san baenz aen gongx gyaendei ndeu daenj youq gwnz gyaenq. Gyoengqde couh baenzneix youq ndaw ndoengfaex caenhcingz guh' angq, mbouj roxnyinh seizlawz daengngoenz hoengzdoengdoeng menhmenh doek bya bae lo.

Gyoengqde fwt geiq ndaej lij caengz gvej nywj hane! Mwh gyoengqde ngamq gvej ndaej buenq loz nywj seiz mbwn couh fuemx roengzdaeuq lo. Gauh Sanhsanhsan gip ndaej yaek daej, de doq au genbuh uet gij hanh gwnz naj doq naeuz: "Baenzlawz guh cijndei ne? Baenzneix baema lauhei deng daxboh ndaq bw!" Hoeng, Huz Sunghyiz dingq le cix mbouj vueng mbouj muengz naeuz: "Baenzneix ba, ndaw loz gou gij nywj neix cienzbouh hawj mwngz, yienghneix ndaw loz mwngz couh cang rim bae, gou lingh gvej couh ndaej lo." Gangj sat de sikhaek ndingq gij nywj ndaw loz gaeq haeuq ndaw loz Gauh Sanhsanhsan.

De muengz gvej geij gaem nywj cuengq laj daej loz swheij, caiq bae euj geij nyefaex coq youq gwnz nywj ndaw loz cengq hwnjdaeuq, yienzhaeuh caiq cuengq geij gaem nywj haenz

hwnjbae couh aemq baema lo. Haemhhaenz daxboh Huz Sunghyiz bae gven dou rienghcwz seiz fatyienh duzcwz mbouj rox vihmaz gwn nywj le aen dungx lij mboep ndaej lumj yaek nem saej nei, lij raen liz bakdou rienghcwz mbouj gyaenz miz bog nyefaex he, couh cam daeglwg dauqdaej dwg maz saeh. Huz Sunghyiz cijndei gangj vahsaed lo. Gyo' ndaej daxboh Huz Sunghyiz vunz swnh hoz unq, rox le mbouj dub Huz Sunghyiz, cijdwg daengq Huz Sunghyiz au geiq guh saeh youqgaenq gonq.

Gauh Sanhsanhsan mbouj rox gwih danci, Huz Sunghyiz sim' in Gauh Sanhsanhsan, de haethaemh cungj doz Gauh Sanhsanhsan bae hagdangz, baez doz couhdwg 6 bi. Ciemhciemh, Gauh Sanhsanhsan ndawsim fufab mboujdingz, miz cungj cingzeiq gig geizheih ndeu gaenq ciemq youq aen sim de lo, hawj de gag roxnyinh baez raen daengz Huz Sunghyiz couh nyaenz mbouj ndaej naj hoengzfefe sim diuqbubbub, caiqlix hix mbouj lumj gaxgonq yienghhaenz mboujlwnh miz maz vah cungj ndaej seizbienh gangj okdaeuq.

Doeg dayoz le, yozsiz beij gauhcungh soeng le haujlai, Huz Sunghyiz caeuq Gauh Sanhsanhsan bingzseiz cungj dwg doq doegsaw doq dajgoeng ra gwn, mbouj heuh ndawranz geiq saek faen cienz. Ndaejhoengq seiz, Huz Sunghyiz caeuq Gauh Sanhsanhsan couh itheij bae guhcaemz, bin bya, youzraemx, cawx doxgaiq, gizgiz ce roengz gij rizdin caeuq gij sing riu vaiqvued gyoengqde.

(caengz sat)

Cingzcik



□ Cungh Yujingh / 钟汝荆

Bi daengz ndwenbet, gyoengq hagseng ndaw dayoz couh baenz le duzmoed gwnz rek ndat lo. Vihmaz ne? Cingzcik bineix hainduj okdaeuq lo!

Siuj Vangz bi' gvaq ngamqngamq daeuq doeg dayoz, dingqnyi naeuz yaek ok cingzcik, de doeksaet yat, hoeng, de ngeix daengz cihgeij ngoenznaengz gaujsi mbouj yaez gvaq bouxwnq, cingzcik wnggai loq ndei gvaq vunz ba. Baenzneix, de couh mbouj miz maz yousim lo.

Raen de sim mbouj gaenq saekdi, couh miz vunz cam: "Siuj Vangz ha, seizneix bouxboux vih gij cingzcik nyaengq baenzmaz bae, mwngz cix ndaej youq gizneix soeng gvaq moumeh bae?"

Siuj Vangz han naeuz: "Cienzcaiz baez di rom, gaujsi gaenq gvaq lo, cingzcik baez gip couh ndei? Baenzneix, gou lij yousim maz dem?"

Bouxde daengx da dwk gangj mbouj ok vah, caj yaep ndeu cij menhmenh naeuz: "Mwngz mbouj rox? Gij cingzcik mbouj dandan dwg faensoq gaujsi bw, gaujsi cij mbouj gvaq dwg dingz ndeu, lij miz doenghgi

ndaejciengj gak cungj doxdax, faenzcieng ndaej fatbiuj, camgya gij hozdung caeuq guh ganbu hagseng hix suenq haeuq ndaw cingzcik bae. Seizneix bouxboux nyaengq bae ra baengzgawq cwnqmingz cihgeij yienghlawz ndaej suenq haeuq ndaw cingzcik bae ne!"

Siuj Vangz dingq le gig geizheih: "Youq hagdangz mbouj dwg engq youqgaenq bae doegsaw hagsib ha, vihmaz bouxboux cungj mbouj yunghsim hag ndei dungxcaiz sawmaeg bae ceng au cingzcik maenhndei, dauqfanj daj gak giz roen mbeuj luenh gauj au cingzcik ne?"

"Mwngz huk ha, hagsib ndei au sai geijlai goengfou ha, caiq gangj sai goengfou roengzbae le mbouj itdingh gaujsi gauj ndaej ndei. Hoeng, mwngz au di seizgan he bae camgya hozdung faen couh ndaej gya. Yienznaeuz baez ndeu ndaej faen mbouj lai, hoeng, daengx bi bae camgya, ndaej gij cingzcik couh beij gij vunz roengzroengz doegsaw dij lai bw."

Siuj Vangz dingq le nyinhnaeuz bouxneix gangj ndaej deng, hix gaenjgaenq gipgip bae ra cwnqmingz gya faen lo.

Hoeng, de mbouj rox ciengqgo diuqfoux, bingzseiz gij doxdax maz hix mbouj camgya gvaq, gij hozdung miz faen gya hix lwnz mbouj daengz de, hix mbouj dwg ganbu hagseng, ra bae ra dauq hix ra mbouj ndaej saek giz ndaej gya faen. Cij miz bien faenzcieng gaxgonq fatbiuj ndaej gya faen ndeu.



Dahsau gyaendei aendomq lengi.

Dozsw

Ngoenz gyau cwnqmingz gya faen, Siuj Vangz raen bouxwnq cungj miz gij cwnqmingz ndaej gya faen baenz bang baenz gyoengq, dan de mbouj miz geij mbaw cei. Mbouj yungh gangj lo, gij vunz bwh ndaej gya faen lai haengjdingh cingzcik ndei raeuh, lij ndaej ciengjyozginh dem, naeuz mbouj dingh lij ndaej baujsoengq bae boux lauxsae mizmingz laebdaeb hagsib.

Doeklaeng, gij cingzcik Siuj

Vangz itbuen, au mbouj ndaej maz ciengjyozginh, de hozgenz raixcaix. Mingzmingz boux doengzhag wnq gaujsi yaez gvaq de lai, cingzcik cix ndaej ndei gvaq de, lij ndaej ciengjyozginh! Caen dwg "ndaemnaz siengi gwn haeux, mbwn mbouj caeuh hix nanz; miz cienz cawx haeuxsan, cancan ndaej gwn imq."

Hoeng de cij ndaej ienqmingh ndwi lo, bimoq hix ei vunz yienghhaenz guh cijndaej lo.